

掌人道大神
掌畜生道大神

掌神道大神
掌餓鬼道大神

靈寶无量度人上經大法卷之四十七

靈寶无量度人上經大法卷之四十八 六

登壇演祝品

登壇演法章

此一辨香以香冥為根虛空為體八風吹不動萬夫挽不回今朝出手拈來奉為法壇施

設先為上祝

皇帝伏願後天不老如日之升長為大道法

王永作太平君主

此一辨香奉為當朝宰輔百執公卿我道吾

邦要官賢職伏願一德格天而固久六齋載

地以齊堅佩玉橫金成跡要路攀龍附鳳皆

上層霄

此一辨香奉為在會一切賢士信人伏願道

性淵澄頓悟一切煩惱罪根山峙永離无量

縈纏人人玉骨凝真一一金書姓字先亡宗

祖俱證善緣有識含靈咸超法界

次陞座白文

自然元始靈風鼓空洞之章无量度人流火
鍊丹陽之炁開明三景普殖神靈以混化之
五文妙神機之九轉或出或入負陰抱陽若

存若亡深根固蒂處真寂而叩之即應悟玄

虛而感之遂通況夫自生者附土塊而沉魂

得一者體輕清而游爽由是說三十六部之

秘蘊獨靈本真錫千二百之官章極濟流浪

白骨在野遇長生靈符而枯朽發烟紫炁度

關演妙法真經而鎖錫停沸方方教化種種

生成強名曰大則六合不遑字之曰道則萬

夫受分超太元則一法不立被舍識則眾妙

難言授帝王三籙之簡文標士庶九壇之科

式死生蒙福今古共遵奈何陰陽路隔生死

理幽徒切斷腸莫知罔極切以太上降返魂

之籙玄都出度死之儀齋告可崇靈音惟信

是以洗心奉戒閉邪存誠青炁代割髮之紋

金寶充質盟之信削詞露懇拜手祈天既沐

謙動難以抑絕況某等道身林嶺抗志烟霞

組研秘籙於玄壇常愧飛神於寢殿當茲勉

勵咸在滌除吾无心則心廓太虛吾定慧則

慧先不礙舉揚玄範吟詠空歌琳瑯之音而

響徹十方梵行之炁而充滿八極金龍飛躍

神虎驟奔玉札頌而岳瀆敬聽符命宣而鄴

幽遵領擲火萬里周旋大冶之鍾流鈴八街
下破寒丘之錫是以日月之精光一吸照破
夜臺天地之正炁聚機度斯靈識上賴天尊
之道下贊樵木之臣法衆同心大開靈席

開壇啓請詞章

黃籙大齋弟子某稽首再拜輒露精誠上干
親聽伏念某等生居塵冗長務俗華區區苦
海之中汨汨業塵之境幸緣宿骨有善志慕
清虛雖為聾聵之人心崇至道欲漸躋於玄
妙推濟度於存亡擬將自新之功洗滌往日
之過况自今日已前九州分野之內忠臣義
士因爲國以亡身孝子順孫緣深家而喪魄
或流離異邑遭凍餒以消魂或暴露佗鄉致
不足以橫天或強虜凶殘假手還於宿債或
遭罹兵運劫災償於前緣抱貞堅之烈婦懷
赤心之正人犯禍一時之怒殞於刃劍之鋒
或嬰疾紈法病老尪羸因起居不節緣坐食
不便死於道途漂泊郊野或自棄自殘投水
赴舟楫乘風濤之中屋宇遭風雨之害或
故悞飲毒而歸溟泠或衝逢猛獸而遭吞啖

顛險墮身國法喪命更有風勞氣冷數盡告
終茫茫苦累悲鄉路以遙長渺渺幽陰歎何
年而生化若不依憑道力此等何遂超升切
聞黃籙大齋功德不可思議洞玄醮法神力
廣大善救無邊沉泉之苦能拯億萬期劫之
魂金籙救晝日愆非白簡度道遙快樂三見
此齋不經五苦何況精專修建伏聞某師先
生廣揚教法丕闡真風演清靜於無為拯存
亡於下土功成行著衆所推崇德貴道尊人
皆敬仰伏望慈悲憫念特垂允俞暫賜仙符
俯臨齋會提綱振領奉行高功之令儀總宰
壇場廣闡盟真之教範功霑幽顯惠及存亡
誠非弟子之功能皆出先生之道化弟子再
拜

師答

某蓬萊寒生翦荒下士雖得法於明師素自
身而未度伏聞內有妙而外妙自應內有真
而外真自來緣某未學凡夫尚拘塵世無真
妙之元馬能外揚至道本欲棲神岩穴絕智
翰光吐納三晨之華灌煉九真之液內養胎

仙形神俱妙方可濟物度生闡化流教特蒙
誠懇敢不啓聞難當此職請求明師

再請

某等再陳丹懇之心仰讀高明之鑒伏聞正
一天師獲丹書於荆山未欲修煉恐無功於
下世漸事三境於天關妙濟真君得玉籙於
西楚徑行接物感拔宅而上昇所謂先積外
德次修內功表裏相扶丹誠貫日指洞天以
邀遊定惠外修嘯風雲於仙闕自古高真莫
不如是伏望某師先生效前真之靈跡作濟
世之津梁做古仙之遺業修極度之梯航特
垂方便之門永開存亡之路億萬苦衆獲遂
生成天上地下皆懷慈報況法壇已備開啓
機歸素乞慈悲俯賜方便存亡承開泰之恩
生死荷提攜之化某等不勝戰灼之至

師再答

某伏聞盟真巨典玉匱玄章皆玉清天尊所
宣實太上道君所授敷演三十六部之專經
具載百萬琅函之聖範保鎮邦家濟度幽顯
諸天尊瞻仰仙真稟奉金符玉簡救多方之

高罪三皈九戒度億劫之冤孽破獄燭幽神
燈分光於惠澤真經聖號金口所宣於苦海
三四九煉十誦歌者非世上之常典乃玄都
之禁文千真效職萬聖俯降有違纖毫威儀
必受靈都刑憲以凡材淺陋科格罕聞欲
勉力而奉行恐沉墜於功德一身招譴尤甘
寧無負於亡者不敢克當請求明師

弟子三請

某等不避干冒之愆再陳懇悃之詞特蒙指
教一一知聞切緣壇場已備威儀肅清三界
神靈佇望久立九幽長夜孤寒瞻仰惟願慈
悲俯臨法會開度亡魂若稍有私心不一始
動終息訛謗評議論量假真違科慢道不敬
師尊甘受風刀之苦萬劫長夜無終伏望不
違監誓特賜允陳不勝望恩之至

師第三允請

蒙示三請區區足認汝等竭誠不欲避辭恐
悞圓成勉強扶持一心奉行隨其所願善獲
殊恩以此開壇功德上資七廟尊儀遊神太
漠煉真於碧落之天驟從玉皇養素於明霞

之境次乃清除九土氛塵屏息四夷烟燧風
雨時若有潤秋成疾疫不生蟲蝗殄滅一切
亡爽上登道境四生六道皆獲妙樂今則威
儀已備開啓時至更不謙謙各惟珍重

弟子謝師

某等伏蒙某師先生允請不勝感恩仰謝之
至再拜引師登壇

登壇開啓

生育天地運行日月長養萬物者道之用也
無科設教授戒傳符濟生度死者道之慈也
昔蘇白蘭下採冥途普濟幽爽者玉清之曲
教也明道之用運道之慈而祈玉清之曲教
者存乎人動天地感鬼神遠近幽深應如谷
答者存乎誠苟非其人誠亦難格茲者伏承
某人建法席廣奉真靈超度亡魂上生仙
品我今克遵科教備列威儀有朱章以召魂
有蘭湯以盪穢有華燈以回耀有寶幡以運
神有靈符以下於九幽有供養以資於六道
先板命於三寶次說戒乎九真回幽魄於南
宮削黑名於北府注大法藥以救沉淪執大

法炬以照幽昏布大法雲以覆群品其為功
德難可勝言如某者誤承人知祇事瑤壇敢
不惕惕于心求哀太上所冀高真降格亡者
超昇易容願於九煉之庭消寬對於三官之
府悉仗慈悲之願同遊道德之鄉更冀同壇
敷揚教典

拜章法語

此一辨香上通三境下徹九幽歷浩劫而必
通御圓輪而常應以今焚向爐中奉為亡過
某人伏望錫除瑕累迴脫塵根頓超有漏之
鄉徑達元為之岸真源湛寂一法不存妄念
分馳萬緣競起悟之則超凌大化昧之則沉
溺迷途矧茲浮爽之憂未遠返胎之旨故大
道憫群生之苦而盟真垂濟度之章一念超
升惟潛通於胎靈靈霄中漠曾不間於纖毫
俯回曲照之恩感荷遷神之惠某式遵素簡
叨承玄司既承許列之詞敢息臆陳之事今
則百靈司在四炁澄清載備威儀通行章御
第惟初淺曷副請祈尚冀同流共彰妙感
鍊度說戒陞座請答章

道士三禮晚詞云

其等伏闕大道闡慈悲之教衆生蒙濟度之恩式按金科肅陳淨懃既真仙之下鑒而符籙之可陳福被三途功超九夜願施開度拔爾沉淪

答云

玉言全訓示之寶籙當符九夜三途賴之度魂煉魄當付上士不傳非人願茲闡芽之肅材詎敢獨當於大請

再跪云

三界俯臨一心至恪符籙尚陳於座席靈儀實賴以生天仰辱遜謙遠辭請禱觀仰體奉天意俯從乎人心願於九夜之沉魂實乃道師之慈惠既精誠而必至望懃節之早來

答云

伏聞代天行化利物濟人必也道價之高明故慰人情之願望實惟淺陋難以奉行

再跪云

伏念某拜表上章常屢聞於三界肆筵設席已敷布於四隅齋心激切以瞻天苦衷悲愁

而俟命伏乞高功大法師言泉潤下大摩包荒促羽旆以博臨演靈文而廣濟三途五苦願施拯拔之仁滯魄幽魂實賴超升之澤某无任懇禱之至

答云

請約再三信誠備悉既真靈而俯垂下降願愚昧而敢不上聞表不容辨禮當敷奏符籙裝嚴於寶軸靈魂鍊度於朱陵大衆前行願從其後

請真師頌曰

龍漢啓盟津 劫劫度天人 大開靈寶簡 津濟生死輪 是謂慈悲道 能發枯朽榮 自非吾世師 孰與達幽冥 靈寶无量度人上經大法卷之四十八

靈寶无量度人上經大法卷之四十九 光

降召符命品

真人曰大有妙庭金闕玉房皆元始靈寶之炁結成自然之文以制萬天之分夫行持之士若建靈寶壇須蒙降真召靈二符以化壇陞為金闕梵行之界方始行事

上清靈寶降真符

開明 是為 玉山上清 大單 三景 天根 上京 玉清

三華 大有 大行 元元 離便 妙庭 梵炁 上真

與道 合同



上清靈寶召靈符

天中 妙妙劫月 元幽 之天 混沌之中 元冥